

ցանեւ և տեղեկանալ ճշմարտութեան, ըստ պատուիրելոց
Եպարքոսին: Յանդիման լինիլ այլազգեացն այնոցիկ եւ
'ի հարցանեւ նոցա՝ ետուն պատասխանի եւ ասեն, ճշմարիտ է
գիրն վկայութեան և մեք կնքեալ եմք մատանեօք
մերովք: Վանօրայք և տեղիքն յիշատակեալք 'ի գրի, եւ
սեփականութիւնք Հայոց, և ոչ ոք տիրեալ էր բաց 'ի
նոցանէ՝ մինչեւ ցօրն, յորում բռնութեամբ եհան 'ի ձե-
ռաց նոցա Թիւար օղլու ճէլալի կոչեցեալ: Եւ լուեալ պաշ-
տօնէին զայսոսիկ բանս 'ի բերանոյ նոցա, խնդրեաց 'ի
դատաւորէն 'ի գրի հարկանել զնոսա, որպէս յայտ արա-
րին, և նորա գրեալ ետ ցնա. 'ի \0 Բէպիլ էվվէլ ամսոյ՝
\0\0 (1659):

Յաւուրսն յայնոսիկ Քէօպրիւլիւ Մէհէմէտ Եպարքոսն
կարգեաց զորդի իւր զԱհմէտ 'ի Բդեշխութիւն Կարնոյ՝
հրամանաւ և հաճութեամբ Թաղաւորին, եւ արար վասն
այսր հանդէս մեծ 'ի Պրուսա առաջի Արքայի եւ ուրա-
խութիւն ամենայն ժողովրդեան. և իբրեւ հանդերձեալ
էր մեկնիլ Ահմէտ 'ի Պրուսայէ 'ի Կարին՝ յուղարկուորեաց
զնա հայր նորա Քէօպրիւլիւ, և Թաղաւորն ընդ նմա ե-
րեւելի փառօք:

Հայս ուրախութեան ժամ առիթ դիպող համարեալ
Եղիազարու՝ եհաս փութանակի բազում ընծայիւք յոսս
մեծի Իշխանին՝ որ Վէզիր քիահեասի կոչի, և այլոց Իշ-
խանաց, եւ աղերս արկեալ՝ խնդրէր միջնորդ լինել առ
Եպարքոսն, զի դարձուցէ վասն սիրոյ որդւոյ իւրոյ ըզ-
վիճակն Հայոց՝ որ յերուսաղէմ, այն է վանք Ս. Յակոբայ,
և այլ տեղիք: Եւ նոքա դիւրաւ որոացին զսիրտ Եպար-
քոսին յայնմ պահու. և 'ի ծանուցանել նորա Արքայի՝ եւ
հրաման զի կատարեսցին խնդիրք Հայոց: Եւ յաւուրսն
յայնոսիկ դարձեալ էր պաշտօնեայն յերուսաղէմէ, զոր
առաքեալ էր Եպարքոսն վասն քննութեան Հանրագրոյն
այլազգեաց, զոր առեալ էին Աստուածատուր եւ Եղիա-
զար, և զգիր դատաւորին մատոյց առ Եպարքոսն, յորում
յայտ առնէր զքննութիւնս՝ եւ զամենայն տեղիս Հայոց
նշանակեալ ուրոյն ուրոյն. ընթերցաւ այս գիր առաջի
Արքային եւ յայտնի եղեւ նենդութիւնն Յունաց: Գրե-
ցաւ հրովարտակ՝ յոր սկիզբն առնէ պատմել զհանրագիրն՝